


歷代建元考

三



叢書集成

初編

主編者
王雲五

商務印書館發行

歷代建元考

(三)

鍾淵映撰

王雲五主編
叢書集成初編
歷代建元考
三 冊

中華民國二十六年六月初版

撰 者

鍾

淵

映

發行人

王

上海河南路

雲

五

印刷所

商

上海河南路

務

印書館

發行所

商

上海及各埠

務

印書館

歷代建元考外編一

外國考

柔然

郗久閭氏。其先世居北荒。元魏號爲蠕蠕。

受羅部眞可汗子成。以宋大明八年魏和平五年立。改元一。

永康

伏古敦可汗豆崙子成子。以魏太和九年立。改元一。

太平

候其伏代庫者可汗那蓋。以魏太和十六年立。改元一。

太安

佗汗可汗伏圖那蓋子。以魏正始初立。改元一。

始平

豆羅伏跋豆代可汗醜奴。伏圖子。以魏永平初立。改元一。

建昌

朝鮮

檀君降於太白山。以唐堯二十五載戊辰立都平壤。徙白岳。殷高宗八祀甲子。入阿斯達山爲神。

後朝鮮

箕子殷宗室。殷亡。率衆五千入朝鮮。周因封之。都平壤。傳至四十代孫否。稱王。卒。子準立。爲衛滿所逼。浮海居韓地金馬郡。更號韓王。與辰韓、弁韓爲三韓。後百濟王溫祚滅之。凡傳國千餘年。衛滿、燕人。因盧綰亂亡。命渡涓水。誘逐箕準。據平壤。仍歸朝鮮。至孫右渠。不奉漢詔。武帝遣將滅之。

新羅

始祖赫居世王朴氏。以漢宣帝五鳳元年甲子立。都辰韓地。在位六十一年薨。
南解王始祖太子。以漢平帝元始四年甲子立。在位二十一年薨。
儒理王南解王太子。以漢更始二年甲申嗣立。在位三十四年薨。
脫解王南解王堵。姓昔氏。以漢世祖中元二年丁巳立。在位二十四年薨。
婆娑王儒理王子。以漢章帝建初五年庚辰立。在位三十三年薨。
祇厚王婆娑王太子。以漢安帝永初六年壬子嗣立。在位二十三年薨。
逸聖王儒理王子。以漢順帝陽嘉三年甲戌嗣立。在位二十二年薨。
阿達羅王逸聖王子。以漢桓帝永興二年甲午嗣立。在位三十一年薨。
伐休王昔氏。脫解王孫。以漢靈帝中平元年甲子立。在位十五年薨。

柰解王伐休王孫以漢獻帝建安元年丙子嗣立。在位三十五年薨。

助賁王伐休王太子骨正之子。□□□□建興五年丁未立。在位十八年薨。

沾解王助賁王弟以漢安樂公延熙三年庚申立。在位十五年薨。

味鄒王姓金氏助賁王婿以漢安樂公景耀四年辛巳立。在位二十三年薨。

儒理王昔氏以晉武帝太康五年甲辰立。在位十五年薨。

基臨王助賁王孫以晉惠帝元康八年戊午立。在位十三年薨。

訖解王昔氏後以晉懷帝永嘉元年丁卯立。在位四十七年薨。

柰勿王金氏味鄒王弟子以晉穆帝永和十一年乙卯立。在位四十七年薨。

寔聖王金氏以晉安帝元興元年壬寅立。後爲訥祇王所弑。訥祇王柰勿王子。在位四十二年薨。

慈悲王訥祇王子以宋世祖大明二年戊戌立。在位二十三年薨。

照智王慈悲王子。在位十二年薨。

智證王。新羅諡法
始此。

智大路。照智王再從弟。以齊東昏侯永元二年庚辰立。始定國號新羅。

前此或稱
斯羅。

在位

十五年薨。

法興王原宗。智證王子。以梁天監十一年壬辰嗣立。在位二十七年薨。王以南北分裂。始建年號。

建元

眞興王麥興法興王弟以梁高祖大同六年庚申立。在位三十七年薨。改元一。

鴻齊

眞智王金輪眞興王子以陳宣帝大建八年丙申立。在位四年薨。

眞平王伯淨眞智王孫太子銅輪之子以陳宣帝大建十三年辛丑嗣立。在位五十四年薨。

善德女主德曼眞平王女爲國人所立號聖祖皇在位十六年薨。改元一。

仁平

眞德女主勝曼眞平王從女爲國人所立。在位八年薨。改元一。

太和

後去年號奉
唐永徽正朔

太宗武烈王春秋姓金氏眞智王後以唐高宗永徽四年癸丑爲國人所立。在位八年薨。王與唐兵滅百濟新羅始大。

文武王法敏太宗太子以唐龍朔元年辛酉嗣立。與唐兵滅高句麗始一三韓。在位二十年薨。

聖明王正明文武王太子以唐高宗永淳元年壬午嗣立。在位十一年薨。

孝昭王理洪聖明王太子以唐嗣聖九年壬辰嗣立。在位十年薨。

聖德王隆基改名興先孝昭王弟以唐嗣聖十九年壬寅立。在位三十五年薨。

按唐自嗣聖元年武后廢中宗稱制尋改國號周稱皇帝改元十八而東史但書嗣聖正朔立義如

綱目亦良史矣

孝成王承慶。聖德王太子。以唐元宗開元二十六年戊寅嗣立。在位六年薨。

景德王憲英。孝成王弟。以唐元宗天寶二年癸未嗣立。在位二十三年薨。

惠恭王乾運。景德王太子。以唐代宗永泰元年乙巳嗣立。後伊殄志貞作亂。上大等金氏良相以兵討之。王爲亂兵所殺。

宣德王良相。柰勿王十世孫。以舉兵討亂自立。在位五年薨。

元聖王敬信。柰勿王十二世孫。以唐德宗貞元二年丙寅爲國人所立。在位十三年薨。

昭聖王俊邕。元聖王孫。以唐德宗貞元十五年己卯嗣立。在位二年薨。

哀莊王清明。改名重熙。昭聖王太子。以唐德宗貞元十六年庚辰嗣立。在位十年。爲兵部令彥昇所弑。

憲德王彥昇。昭聖王弟。以唐憲宗元和六年辛卯自立。在位十八年薨。

興德王景徽。憲德王弟。立爲太子。以唐文宗大和元年丁未嗣立。在位十一年薨。從弟均眞自立。爲金明所害。

僖康王悌隆。元聖王孫。以唐文宗開成元年丙辰爲金明等所立。三年遇弑。明自立爲王。其國臣奉均眞之子祐徵討殺之。

神武王祐徵。元聖王孫。均貞子。以唐文宗開成四年己未立。尋薨。

文聖王慶膺神武王太子以唐文宗開成五年庚申嗣立。在位十八年薨。

憲安王諲靖文聖王弟以唐宣宗大中十一年丁丑立。四年薨。

景文王膺廉僖康王孫以唐懿宗咸通三年壬午立。在位十四年薨。

憲康王晟景文王太子以唐僖宗乾符三年丙申嗣立。在位十二年薨。

定康王晃憲康王弟以唐僖宗光啓二年丙午立。二年薨。

眞聖女主曼定康王弟以唐僖宗文德元年戊申立。在位十二年薨。

秦封王弓裔

通鑑作躬父

憲安王孽子以重午日生於外家長爲僧。眇一目。遂聚衆反于北原都松岳郡。復移

鐵圓自立爲王。後十八年其將王建爲衆所推。裔出走。爲野人所殺。

後百濟王甄萱李姓李氏尙州加恩縣人。自稱甄萱。叛據完山州。自立爲王。後三十年爲其子神劍所幽。

逃歸高麗國王建討平之。

孝恭王曉憲康王庶子眞聖立爲太子。以唐昭宗光化元年戊午嗣立。在位十六年薨。

神德王景輝朴氏阿達羅王遠孫。以癸酉歲爲國人所立。六年薨。

景明王昇英神德王子。以丁丑歲嗣立。八年薨。

景哀王魏膺景明王弟。以後唐同光二年甲申立。後甄萱襲陷王都。遇弑。

敬順王傳姓金氏文聖王後。以後唐天成二年丁亥爲甄萱所立。八年以國降于高麗王建。

右新羅朴氏十王。昔氏八王。金氏三十七王。合五十五王。共九百九十二年。

高句麗

始祖東明王朱蒙其母柳花河伯女爲日影所照娠而生一卵有男破卵而出名朱蒙扶餘王金蛙諸子忌之遁至卒本扶餘其王妻一女王薨朱蒙以漢元帝建昭二年甲申立自稱高辛氏之後國號高句麗因姓高王薨太子類立。

琉璃明王類利始祖在東扶餘所生子後至卒本立爲太子得嗣位至王莽僞天鳳五年戊寅薨。
大武神王無恤琉璃明王太子以王莽天鳳五年戊寅嗣立在位二十年薨。

閔中王解邑朱太武神王幼子以漢世祖建武二十一年乙巳立三年薨。

慕本王解憂太武神王太子以漢世祖建武二十四年戊申立在位六年爲杜魯所弑。

太祖王宮琉璃明王孫以漢世祖建武二十九年癸丑立在位九十三年傳位于弟遂成薨。
次大王遂成太祖弟以漢質帝本初元年丙戌立後爲臨明答夫所弑。

新大王伯固次大王弟爲臨明答夫所立在位十五年薨。

故國川王男武新大王太子在位十九年薨。

山上王延優故國川王弟爲故國川王于后所立。

東川王優位居山上王太子以漢安樂公建興五年丁未立在位二十二年薨。

中川王然弗。東川王太子。以漢安樂公延熙十一年戊辰立。在位二十三年薨。

西川王藥盧。中川王子。以晉世祖泰始六年庚寅立。在位二十三年薨。

烽上王相夫。西川王太子。以晉惠帝永康二年壬子立。爲國相倉卒利所弑。

美川王乙弗。烽上王之弟子。以晉惠帝永康元年庚申立。在位二十三年薨。

故國原王斯由。美川王太子。以晉成帝咸和六年辛卯立。改名釗。在位四十一年。與百濟戰。中流矢薨。

小獸林王邱夫。故國原王太子。以晉太宗咸安元年辛未立。在位十五年薨。

故國壤王伊連。小獸林王弟。以晉烈宗太元九年甲申立。在位九年薨。

廣開土王談德。故國壤王太子。以晉烈宗太元十七年壬辰立。在位二十二年薨。

長壽王巨漣。廣開土王太子。以晉安帝義熙九年癸丑立。在位七十九年薨。高祖冊諡爲康王。北史止稱漣。自漣至元

與北史無異。但封爵及名字不同耳。

文啓王羅雲。北史雲。長壽王太孫。以齊武帝永明元年癸亥立。在位二十九年薨。

安藏王興安。北史安。文啓王太子。以梁高祖天監八年己丑立。在位十三年薨。

安延王寶延。北史延。安藏王弟。以梁天監二十年辛丑立。在位十五年薨。

陽原王平成。北史成。安延王太子。以梁高祖天監二十一年壬寅立。在位十五年薨。

平原王陽成。北史陽。陽原王太子。以陳高祖永定三年己卯立。在位二十三年薨。

嬰陽王元。平原王太子。以隋高祖開皇十年庚戌立。在位二十九年。隋煬帝率師來伐。不克。營留王建武。嬰陽王異母弟。以唐高祖武德元年戊寅立。在位二十五年。爲其臣蓋蘇文所弑。寶藏王藏。營留王之姪。以唐太宗貞觀十六年壬寅立。太宗親帥師來伐。不克。後唐高宗總章元年戊辰。唐將李勣拔平壤。王俘於京師。高麗亡。

右高句麗高氏二十八王共七百五年。

百濟與北史不同

始祖溫祚。高句麗朱蒙之子。朱蒙以類利爲太子。溫祚恐見忌。南行至河南慰禮城。以漢成帝鴻嘉三年癸卯立爲王。國號百濟。氏扶餘。徙南漢山城。又徙南平壤城。薨。多婁王。始祖太子。以漢世祖建武四年戊子嗣立。在位四十年薨。己婁王。多婁王太子。嗣立二十五年薨。

蓋婁王。己婁王太子。薨。子肖古王立。

肖古王。蓋婁王子。以漢桓帝延熹九年丙午立。在位四十九年薨。

仇首王。肖古王子。以漢獻帝建安十九年甲午立。在位二十一年薨。

古爾王。仇首王弟。以漢安樂公建興十一年癸丑立。在位五十五年薨。

責稽王。古爾王子。以晉世祖太康九年戊申立。在位十三年。爲貊兵所害。

汾西王。賁稽王子。以晉惠帝元康八年戊午立。在位七年。爲□客所殺。

比流王。仇首王子。以晉懷帝永嘉元年丁卯爲國人所立。在位四十一年薨。

契王。汾西王子。以晉康帝建元二年甲辰立。在位三年薨。

近肖古王。比流王子。以晉穆帝永和二年丙午立。在位三十年薨。

近仇首王。近肖古王子。以晉烈宗寧康三年乙亥立。在位十年薨。

枕流王。近仇首王子。以晉烈宗太元九年甲申立。在位一年薨。

辰斯王。枕流王弟。以晉烈宗太元十年乙酉立。在位八年。因獵薨于行宮。

阿莘王。以晉烈宗太元十八年癸巳立。在位十四年薨。

腆支王。阿莘王太子。以晉安帝義熙元年乙巳立。在位十六年薨。

久爾辛王。腆支王子。以宋高祖永初元年庚申立。在位八年薨。

毗有王。久爾辛王子。以宋太祖元嘉四年丁卯立。在位二十九年薨。

蓋鹵王。餘慶毗有王子。嗣立。後爲高句麗王巨璉所殺。

文周王。蓋鹵王太子。以宋蒼梧王元徽三年乙卯立。爲兵官佐平解仇所殺。

三斤王。文周王太子。以宋順帝昇明元年丁巳立。三年薨。

東城王。牟大。文周王之弟子。以宋順帝昇明三年己未立。爲其臣苟加所弑。

武寧王餘隆。東城王太子。以齊和帝中興元年辛巳討賊嗣立。薨。子明農嗣立。聖王明農。武寧王子。嗣位。以梁元帝承聖二年癸酉率兵侵新羅被殺。

威德王昌。聖王子。以梁元帝承聖三年甲戌立。在位四十五年薨。

惠王季明。威德王子。嗣位二年薨。

法王宣。惠王子。嗣位二年薨。

武王璋。法王子。嗣位二十四年薨。

義慈王。武王太子。嗣位。後唐兵來伐拔都城。王詣軍門降。未幾。宗室復福信等起兵迎立義慈之子豐爲王。兵敗奔高句麗。百濟亡。

右百濟二十八王共七百五年。

高麗王氏。

大祖神聖王建。新羅松嶽郡人。爲弓裔侍中。以弓裔十八年丁丑爲諸將所立。十八年乙未。新羅來降。丙申平甄氏。在位二十六年薨。改元一。

天授

惠宗義恭王武。太祖太子。以甲辰嗣立。在位二年薨。
定宗文明王堯。太祖第二子。以丙申嗣立。在位四年薨。

定宗二年始行後漢年號。

光宗文成王昭太祖子以辛亥嗣立。在位二十六年薨。

光宗三年始行後周年號。

光宗十四年始行宋年號。

景宗獻和王佑光宗太子以宋太平興國元年丙子嗣立。在位六年薨。

成宗文懿王治太祖孫以宋太宗太平興國七年壬午嗣立。在位十五年薨。

成宗十二年始行契丹年號。

穆宗宣讓王誦景宗太子以宋眞宗咸平元年戊戌嗣立。在位十二年。西北面巡檢使廢王爲讓國公。尋弑之。

顯宗元文王詢太祖孫安宗郁之子。初封大梁君。以宋眞宗大中祥符三年庚戌爲康兆所立。在位二十二年薨。

顯宗五年復行宋年號。

德宗敬康王欽顯宗太子以宋仁宗明道元年壬申嗣立。在位三年。傳位于弟平壤君。薨。

靖宗容惠王亨德宗母弟以宋仁宗景祐二年乙亥嗣立。在位十二年薨。

文宗仁孝王徽顯宗子。初封樂浪君。以宋仁宗慶歷七年丁亥嗣立。在位三十七年薨。太子順宗卽位。薨。

于喪次。

宣宗思孝王。連順宗母弟。初封國原公。以宋神宗元豐八年乙丑嗣立。在位十一年薨。

獻宗恭。殤王。昱。宣宗元子。以宋哲宗紹聖二年乙亥嗣立。尋禪位于叔父。雞林公。熙。

肅宗明孝王。顥。初名熙。以宋哲宗紹聖二年乙亥立。在位十年薨。

睿宗文孝王。俣。肅宗太子。以宋徽宗崇寧五年丙戌嗣立。在位十七年薨。

仁宗恭孝王。楷。睿宗太子。以癸卯嗣立。在位二十四年薨。

仁宗十三年。妖僧妙清。柳岳。與西京分司侍郎趙匡等反。據西京。國號大爲。王命同平章事金富軾等討平之。僞元。

天開

毅宗莊孝王。昞。仁宗太子。以宋高宗紹興十七年丁卯嗣立。在位二十四年。爲武臣鄭仲夫等所廢。遇弑。明宗光孝王。晫。毅宗母弟。初封翼陽公。以宋孝宗乾道七年辛卯立。在位二十七年。爲將軍崔忠獻所廢。薨于昌樂宮。

神宗靖孝王。旻。明宗弟。初封平梁公。以宋寧宗慶元四年戊午立。在位七年。傳位太子。薨。

熙宗成孝王。諤。神宗太子。以宋寧宗開禧元年乙丑嗣立。在位五年。爲崔宗獻所廢。至高宗二十四年薨。康宗元孝王。禔。明宗故太子。熙宗時封漢南公。以宋寧宗嘉定五年壬申立。在位二年。傳位太子。薨。